



KANTON SARAJEVO
Kantonalna javna ustanova
za zaštićena prirodna područja

CANTON SARAJEVO
Cantonal Public Institution
for Protected Natural Areas

Broj: 01-480/25
Sarajevo, 26.05.2025. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03, 34/03 i 65/13), čl. 27. alineja 2 i čl. 29. Zakona o ustanovama ("Službeni list R BiH", br. 6/92, 8/93 i 13/94), člana 12. stav (4) Odluke o osnivanju Kantonalne javne ustanove za zaštićena prirodna područja („Sl. novine Kantona Sarajevo“, broj 31/17), čl. 29., čl. 30., čl. 32., čl. 33. st. (1) Pravila Kantonalne javne ustanove za zaštićena prirodna područja broj: 01-144-I U.O./17 od 27.06.2018. godine i tačke I Odluke Upravnog odbora o raspisivanju Konkursa za imenovanje na poziciju direktora Kantonalne javne ustanove za zaštićena prirodna područja broj: 01-345/25 od 18.04.2025. godine, Upravni odbor Kantonalne javne ustanove za zaštićena prirodna područja
r a s p i s u j e

K O N K U R S

ZA IMENOVANJE NA POZICIJU DIREKTORA KANTONALNE JAVNE USTANOVE ZA ZAŠTIĆENA PRIRODNA PODRUČJA

I Opis pozicije:

Pored poslova utvrđenih zakonom, direktor Javne ustanove: organizuje i rukovodi radom Javne ustanove; zastupa i predstavlja Javnu ustanovu prema trećim licima; zaključuje ugovore i vrši druge pravne radnje i zastupa Javnu ustanovu pred sudovima i drugim organima u skladu sa zakonom, Pravilima i odlukama organa upravljanja, organizuje i usklađuje proces rada, predlaže poslovnu politiku Javne ustanove i rukovodi njome; brine o provođenju planova upravljanja zaštićenih prirodnih područja; priprema godišnje planove; sarađuje s lokalnim zajednicama, stručnim i drugim organizacijama, javnim preduzećima te drugim pravnim i fizičkim licima; brine o finansijskom poslovanju Javne ustanove; podnosi izvještaj o radu i poslovanju; izvršava odluke i zaključke Upravnog odbora i Nadzornog odbora; priprema planove, programe, informacije i izvještaje i iste podnosi na razmatranje i usvajanje Upravnom odboru; odgovoran je za zakonit rad Javne ustanove; organizuje i priprema materijale za sastanke Upravnog odbora i Nadzornog odbora; organizuje i provodi zaštitu na radu i zaštitu od požara; odlučuje o pravima i obavezama radnika koja proizilaze iz radno-pravnog odnosa i izvršava druge zadatke na osnovu zakona, odluka i zaključaka Upravnog odbora, a i Nadzornog odbora.

II. Opći uslovi za kandidata:

- a) da je stariji od 18 godina;
- b) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine prije objavljivanja upražnjene pozicije;
- c) da se na tog kandidata ne odnosi član IX. 1. Ustava Bosne i Hercegovine.

III. Posebni uslovi za kandidata:

- a) da nije osuđivan za krivično djelo i za privredni prijestup, odnosno da se protiv njega ne vodi krivični postupak za krivična djela koja predstavljaju smetnju za obavljanje funkcije direktora;
- b) da nema privatni finansijski interes u Kantonalnoj javnoj ustanovi za zaštićena prirodna područja;
- c) da kandidat nije predsjednik ili član upravnog ili nadzornog odbora bilo koje ustanove koja djeluje u Bosni i Hercegovini, iz djelatnosti za koju se kandidat prijavljuje;
- d) da posjeduje diplomu visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja koje se vrednuje sa 240 ECTS bodova ili drugog ili trećeg ciklusa Bolonjskog sistema studiranja sa završenim fakultetom biotehničkih nauka ili pravnim fakultetom ili ekonomskim fakultetom;
- e) radni staž u struci od najmanje osam (8) godina nakon sticanja VSS-a, od čega najmanje pet (5) godina rukovodećeg staža;
- f) predloženi program rada za mandatni period odnosno period imenovanja.

IV. Kandidati koji se prijavljuju na konkurs trebaju dostaviti dokaze o ispunjavanju općih i posebnih uslova u originalu ili ovjerenoj kopiji i to:

- potpisanu prijavu na konkurs uz navođenje adrese za prijem pošte i kontakt telefona kandidata;
- potpisanu biografiju;
- rodni list u originalu ili ovjerenoj kopiji;
- izjavu da kandidat nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine prije objavljivanja upražnjene pozicije, ovjerenu od strane nadležnog općinskog organa ili notara;
- izjavu da se na kandidata ne odnosi član IX. 1. Ustava Bosne i Hercegovine, potpisanu i ovjerenu od strane nadležnog općinskog organa ili notara;
- izjavu da kandidat nije osuđivan za krivično djelo i za privredni prestup, odnosno da se protiv njega ne vodi krivični postupak za krivična djela koja predstavljaju smetnju za obavljanje funkcije direktora, ovjerenu od strane nadležnog općinskog organa ili notara;
- izjavu da kandidat nema privatni finansijski interes u Kantonalnoj javnoj ustanovi za zaštićena prirodna područja;
- izjavu da kandidat nije predsjednik ili član upravnog ili nadzornog odbora bilo koje ustanove nezavisno od oblasti za koju je ustanova osnovana, a koja djeluje u Bosni i Hercegovini.

(Napomena: ukoliko je predsjednik ili član upravnog ili nadzornog odbora, priložit će ovjerenu izjavu da će u slučaju imenovanja za direktora ustanove s danom imenovanja podnijeti ostavku i odstupiti s navedenih pozicija);

- diplomu o završenoj školskoj spremi koja je ovjerena od strane nadležnog organa ili notara;
- uvjerenje o podacima registrovanim u matičnoj evidenciji o ostvarenom radnom stažu izdato od strane FZ MIO/PIO ili Uvjerenje Porezne uprave Federacije Bosne i Hercegovine u trajanju od najmanje 8 (osam) godina nakon sticanja VSS-a;
- potvrdu ili uvjerenje o ostvarenom rukovodnom radnom stažu u trajanju od najmanje 5 (pet) godina ostvarenog kod poslodavca i
- program rada za mandatni period, odnosno period imenovanja.



Dokumenti kojima se dokazuje ispunjavanje općih i posebnih uslova se dostavljaju u originalu ili ovjerenoj kopiji koji ne smiju biti stariji od šest mjeseci od dana objave konkursa.

V. Ostale informacije

Kandidati su dužni uz prijavu koja sadrži kraću biografiju, adresu i kontakt-telefon priložiti originalne dokumente ili ovjerene kopije dokumenata, u suprotnom smatrat će se da je prijava sa dokumentacijom nepotpuna.

Neblagovremene, nepotpune i neuredne prijave neće se razmatrati.

Imenovanje se vrši na period od 4 (četiri) godine.

Komisija za provođenje procedure imenovanja direktora Javne ustanove obaviće intervju s kandidatima čije prijave budu potpune, uredne i blagovremene. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima.

Konkurs će se objaviti u "Službenim novinama Federacije BiH", dnevnom listu „Oslobođenje” i web stranici Javne ustanove www.zppks.ba.

Konkurs ostaje otvoren 14 (četrnaest) dana od dana posljednjeg objavljivanja u "Službenim novinama Federacije BiH".

Prijavu sa traženim dokumentima dostaviti lično na Protokol Javne ustanove ili putem pošte preporučeno na adresu:

Kantonalna javna ustanove za zaštićena prirodna područja
Ulica - Branilaca Sarajeva 28,
71 000 Sarajevo

uz naznaku:

“ Za Komisiju za provođenje konkursne procedure imenovanja direktora Kantonalne javne ustanove za zaštićena prirodna područja - Prijava na Konkurs za imenovanje na poziciju direktora Kantonalne javne ustanove za zaštićena prirodna područja - NE OTVARAJ”

Nakon završene procedure izbora i imenovanja direktora Ustanove, prijave i dokumentacija se neće vraćati kandidatima koji su aplicirali na konkurs.

Nakon okončanja procedure imenovanja i pribavljanja saglasnosti Vlade Kantona Sarajevo, kandidat će naknadno dostaviti uvjerenje nadležnog suda da nije potvrđena optužnica općinskog i kantonalnog suda i uvjerenje iz prekršajne evidencije da nije izrečena mjera vršenja poziva djelatnosti ili dužnosti niti da se vodi prekršajni postupak.

Lični podaci o podnosiocima prijava su tajni i mogu se prikupljati i obrađivati samo u skladu sa važećim Zakonom o zaštiti ličnih podataka ("Službeni glasnik Bosne i Hercegovine", br. 49/06, 76/11 i 89/11). Kandidat je dužan uz prijavu priložiti i izjavu kojom se daje saglasnost da Kantonalna javna ustanova za zaštićena prirodna područja i Komisija za provođenje konkursne procedure imenovanja direktora Kantonalne javne ustanove za zaštićena prirodna područja mogu obrađivati dokumente kojima se dokazuje njegov lični identitet shodno odredbama pomenutog Zakona. Obrazac izjave može se preuzeti sa web stranice Kantonalne javne ustanove za zaštićena prirodna područja www.zppks.ba.

